



# Il mas-chalch da Sent

Publicaziuns officialas. Cumpara seguond bsögn.  
2003/2005  
no. 6

7554 Sent, 12 mai 2003 /ch

## Radunanza cumünala

La radunanza es gnüda fixada sün **mardi, 27 mai 2003** a las 20.15 in chasa cumünala.

### Tractandas:

1. Protocol da la radunanza cumünala dals 23 avrigl 2003
2. Orientaziuns
  - a) Ospidal, dumonda da la radunanza cumünala dals 4 december 2002
  - b) Innaiver, moziun da sar Cla Sarott
3. Permiss per far üna passarella tanter chasa Sot Pradè 133 e chasa Sot Pradè 129 (Christian Juon)
4. Decisiun uorden da trafic  
(cuntinuaziun radunanza cumünala dals 23 avrigl 2003)
5. Rendaquint cumünal 2002 (quint da gestiun, quint d'investiziun, bilantsch cumünal e rendaquint da l'amegliaziun generala)
6. Rapport da la cumischiun sindicatoria
7. Varia

La documainta per la tractanda 5 po gnir retratta in büro cumünal d'ürant las uras da büro a partir dals 19 mai 2003

A partir da las **19.30** vegna orientà sur dal **möd actual da cultivar ils gods (tagl Chavrida)**.

## Il Cussagl cumünal

### Dumonda d'interess ADSL

La Swisscom füss pronta dad installar eir a Sent l'ADSL. Els sun però avisats dad avoir ün tschert nummer d'abunents (min. ca. 25). Chi chi vess interess vi da l'ADSL, dess s'annunzchar pro'l büro cumünal.

## Administraziun cumünala

### Avis a regurard far adöver dad idrants

Il Cussagl cumünal ha decis da laschar far adöver dad idrants be cul permiss da la schefa, culla cundiziun chi'd es d'avisar al cheu d'bügl, il qual vain a muossar e far üna controlla davo l'adöver.

Per minch'adöver vain inchaschada üna taxa d'adöver da fr. 20.--.

## Il Cussagl cumünal

### Giantar cumünaivel

**Mardi, als 20 mai 2003** giò Sur En.

Partenza a las **11.40** d'avent da la **posta**. Il transport vain organisà. Annunzchas piglia incunter dna. Erica Clalüna, tel: 081/864 07 59.

**Jörg Büchel, rav.**

### Vernissascha da fotografias

A partir dals **14 gün fin als 31 lügl 2003** vegnan expostas **illa galleria dal büro da trafic fotografias** da Nadja Demonti-Ritz.

La vernissascha cun aperitiv ha lö als **14 e 15 gün 2003 da las 14.00 fin a las 15.00**.

Minchün es cordialmaing invidà.

**Nadja Demonti-Ritz**

## **Liber da far romma**

A partir da sonda, 17 mai 2003 esa liber da far romma pro seguaints tagls: Chavriz Grond sur la via d'alp, Plan Vallorcha, Plan dal Piz, Tramlai. **Serrà resta il tagl actual da la Chavrida**. I das-cha gnir ramassà tuot la legna chi's rechatta amo aint il god. Per plaschair rumir romma, resgüm e fruonzlas our da las vias.

### **Il silvicultur**

## **Società da tregants Sent**

### **Tirs obligatorics – Iplant da tir Urezzas**

Ils tirs obligatorics pel 2003 sun gnüts fixats sco segua :

2. tir obligatoric	<b>venderdi</b>	<b>13 gün 2003</b>	<b>18.00 – 20.00</b>
<b>ultim tir obligaroric</b>	<b>venderdi</b>	<b>29 avuost 2003</b>	<b>18.00 – 20.00</b>

### **Il comitè da la Società da tregants Sent**

## **Rapport annual 2002 da l'ospidal d'Engiadina Bassa Scuol**

Il rapport es expost a partir da subit in büro cumünal e po gnir guardà d'ürant las uras da büro.

### **Administraziun cumünala**

## **Invid – Gruppa da sots**

La gruppa da sots invida ad üna sairada da cumpagnia, in sonda als **17 mai 2003 a las 20.00** in chasa cumünala Misoch. Invidats sun tuot quels chi han tut part üna jada in üna gruppa da sots, saja quai avant 50 ons (voul dir, quella gruppa chi existiva intuorn ils ons 1950/60) o eir be ils ultims ons.

Previs esa da star insembel per dar üna baderlada, far ün per sots ed ün per trais-chas. Da la partida es quella saira eir la Chapella Alp Tasna. La gruppa da sots spordscha üna marena, il da baiver paja minchün sves. In's fess grond plaschair, scha blers pudessan reservar quella saira per no! Our da motivs d'organisaziun giavüschain da s'annunzchar pro Tina Fried, tel. 081/864 99 64 o pro Jachen Stricker, tel. 081/864 06 19.

### **Gruppa da sots**

## **Inauguraziun da la sarinera Sur En**

Als 6 november 2001 ha la radunanza cumünala approvà il credit per realisar la sarinera a Sur En. A partir dals 16 october 2002 ha l'indiriz pudü gnir tut in funcziun.

I'ns fa grond plaschair da pudair invidar a tuot la populaziun da tour part a l'inauguraziun da la sarinera a Sur En, chi ha lö in **sonda, 14 gün 2003** a partir da las **13.30** pro la sarinera a Sur En. Per pudair preschantar a nossa populaziun l'indiriz nouv, esa previs da demonstrar, co cha la sarinera funcziuna. Davopro spordscha il Cumün üna boccada ed aleh da baiver. Nus sperain sün gronda participaziun.

### **Il Cussagl cumünal**

## **Avis**

Stimats abitants dal cumün da Sent, nus, Hans e Margrith Eigenmann-Fontana, fin qua: Plan da Muglins, 7554 Sent, bandunain il cumün da Sent als 14 mai 2003 e giain a star oura Cuoira. Nossa adressa: Evangelische Alterssiedlung, Cadonastrasse 69, 7000 Cuoira-Masans.

Nus ingrazchain a tuots, a paraints e vaschins, per Lur agüd e Lur bainvuglientscha e restain cun chars salüds.

### **Hans e Margrith Eigenmann-Fontana**

## **Avis via Val d'Uina – lavurs da minar**

A partir da **marcurdi, 14 mai 2003** resta la via d'Uina serrada per **ca. ün'eivna** per chi possa gnir minà ün grip aint ils Puntins Ots per cas da sgürezza. Nus giavüschain da tour cogniziun da quist avis.

### **Il Cussagl cumünal**

./3

-3-

## **100 ons società d' allevamaint**

Avant duos eivnas vaina pudü passantar ün bel di, ingiò cha nus pauras e pauras vain pudü preschantar cun superbi nos muvel ad ün grond public. Id es stat ün grond giodimaint e quista festa da giubileum ans restarà üna bell' algordanza.

Sainza il sustegn finanziel nu vessna pudü però realisar uschè üna bella festa, e perquai laina hoz amo üna jada ingrazchar fich a tuot quels chi ans han sustgnü.

Eir a la musica e las Gimmattas-Sent-Scuol chi han manà las ustarias cun grond plaschair ed a tuot quels chi ans han güdà in üna o tschella maniera ans staja hoz be amo da pudair ingrazchar.

## La glista dals sponsurs dal cumün da Sent

Allianz, sgüranzas, Valentin Duri  
Banca chantunala  
Benderer installaziuns e s-chodamaints  
Benderer cuvratets  
Benderer Jakob, marchadant e transports  
Benderer Maria, coiffeur  
Benderer Peder, furnaria e pastizaria  
Bischoff Men, veterinari  
Buchli frars, impraisa da fabrica  
Burkhardt Rolf, Sur En  
Butia la Funtana, Kofler H.  
Cafè la Teja, Davatz Maria  
Cafè Sala, fam. Sarott  
Clalüna Not, furnaria e pastizaria  
Colonials Augustin, butia da Plaz  
Cumün da Sent  
Felix Seraina, architectura  
Fried Andri, garascha  
Guler viadis e taxi  
Hof Zuort, fam. Noggler  
Hotel Rezia, fam. Röthe  
Hotel Val Sinestra  
Hugentobler Thomas, marangun

Juon Christian, bacharia  
La Suisse, Wohlgemuth Roger  
Mader Jürg, transports  
Multiforsa, Jachen Stricker  
ÖKK, Ramosch-Sent  
Palatini, construcziun da vias, Crusch  
Restorant Chasa Veglia, fam. Bruhin  
Restorant Fontana, Huhn S.  
Restorant Val d' Uina, fam. Duschletta  
Restorant Vastur, fam. Salomon  
Ruben Tinet, tapezier e decoratur  
Scandella Otto, falegnamaria  
Schenker Storen, Wieser Gian Claudio  
Schmidt Christian, cuvratets  
Schweizer AG, falegnamaria  
Società d' alp e chascharia  
Sport Champatsch, fradglianza Salomon  
Taverna J.O. ed Andri, falegnamaria  
Taverna-Mettler J.-M., falegnamaria  
Valentin e Krebs, garascha  
Vital Ernest, installaziuns  
Zanetti Men, garascha  
Zanetti Reto, bacharia  
Zanetti Steivan (Heininger)

## Premis da la tombola chi nu sun amo gnüts retrats

nr. 1	chamischa SVKB	nr. 36	tas-china da velo
nr. 6	parisol	nr. 40	entrada libra, bogn Engiadina
nr. 17	artichels da toilette	nr. 49	chamischa SVKB
nr. 28	bun per schlitrada aint a Griosch	nr. 55	artichel da toilette
nr. 31	carta dal di, Motta Naluns	nr. 61	parisol

Ils premis pon gnir retrats fin il plü tard ils 24 mai in büro da Sent Turissem. Per ulteriurs numers daja ün premi da cuffort.

**Società d'allevamaint Sent**  
**Las paurs e'ls paurs**

/4

Ftan  
Scuol  
Sent

Circul Suot Tasna



# ***Mastralietta***

**Dumengia, als 25 mai 2003  
a las 19.00 in chasa da scoula, Sent**

Il Cussagl circuital da Suot Tasna invida a tuot la populaziun da gnir a festagiar la Mastralietta insembel culs ufficiants e deputats elets pel prossem trienni.

## **Program**

ÿ Bivgnaint

ÿ ***Producziun da la società da musica da Sent***

ÿ Salüd dal capo cumünal Jon Carl Rauch

ÿ Saramentaziun dals ufficiants

Davo la saramentaziun spordscha il Circul ün apperitiv a tuot ils preschaints

ÿ ***Producziun dal cor masdà da Ftan***

ÿ „Che incumbenzas ha il Circul daspö la refuorma güdiziala“

Id infuormescha la mastrala Maria Sedlacek

ÿ ***Producziun da la società da musica da Scuol***

ÿ „***Nossa lavur i'l Grond Cussagl***“

***Ilis grondcusgliers Jon Domenic Parolini e Men Bischoff rapportan***

ÿ ***Producziun da la società da musica da Ftan***

Per la bavronda ed üna buna boccada pissera il club da ballarait.

Sperond sün üna gronda cumparsa salüda  
in nom dal Cussagl circuital da Suot Tasna  
la mastrala  
Maria Sedlacek